

cium producere studebant. Deus enim illis in sacro codice praeceperat, b) ut omnis ueritas, coram tribunalibus Iudaicis eruenda, ex assertis duorum uel trium fide dignissimorum TESTIVM constare deberet. Hi uero duo uel tres uiri, ad *testimonium* cuiusdam criminis capitalis perhibendum, ad senatum adducti, non VNO EODEMQVE TEMPORE, nec CONIUNCTIM, multo minus APERTO NOMINE, TOTO DIE examinandi erant. Modus autem et regulae, secundum quas ueritas eruenda et *testimonium* ex illis exigendum erat, nullo alio loco nobis melius recensentur, quam in *Talmudis tractatu SANHEDRIN*. Regrediamur itaque ad hunc *codicem*, et audiamus, si placet, quaenam ea de re proferat, quae doceant, TESTES TECTO NOMINE, TOTO DIE fuisse examinandos, uerba *codicis* סנהדרין ita fluunt: c) המגדף אינו חייב עד שיפרש השם א"ר יהושע בן קרח בכול יום דנין את העדים בכינוי יכה יוסי את יוסי נגמר הדין לא היו הורגים בכינוי אלא מוציאים כל אדם להוציא ושואלין את הגדול שביניהן ואומרים לו אמר מה ששמעת בפירוש והוא אומר והדיינים עומדים על רגליהן וקורעין ולא מאחין והשני והשלישי *Bisphemus non pro reo declaratur, nisi expressit nomen, i. e. יהוה* l. המפורש שם nomen explicatum. Dixit R. IO. SVA filius KARCHAE: toto die testes examinantur adhibito tecto nomine u. g. percutiat IOSE IOSEN. Iudicio finito illum non morte multant propter solum tectum nomen; sed dimissis omnibus foras, interrogant maiorem illorum, dicentes illi, edisseras ea, quae audiisti, uerbis planis et distinctis. Ille uero testimonium suum fert. Iudices surgunt ad pedes eorum, et uestes suas, non resarciendas, dilacerant; deinde secundus et tertius ait, ego eadem, quae ille, audiui.

E 3

Vt

b) Deuter. XIX, 15.

c) Caput VII. §. 5. Editionis Tridentinae fol. 189. col. 1.